

四庫全書

集部

欽定四庫全書

石倉歷代詩選卷二百七十四

明 曹學佺 編

元詩四十四

張憲

汶陽道中

汶水東入海疾流無已時可憐齊與魯荒草秋離離日淡野水黃風高木葉飛繫舟閒弔古不覺淚沾衣

秋日古城葉希聖見訪

夫君滄江來訪予清溪曲清溪窈而深佳氣散天旭塘
蒲澤新雨秋意冷可掬鳥鳴萬山靜猿下雙樹綠謁來
晤語清餘響起空谷坐久神宇閒斜陽在高木

臨安道中先寄賽京初

朝入臨安山暮上由拳嶺周道無行蹤晴空斷飛影嚴
關固高柵疊嶂列危屏荒坰斜日淡虛市野煙冷息肩
坐茂樹暝目發深省何事馬蹄塵兵鋒迭馳騁

我夢騎赤龍

我夢騎赤龍謁帝白玉庭。帝方奏大樂，鈞天聲泠泠。
木公起獻壽，金母持銀瓶。麒麟伏座下，鳳尾芙蓉青。
蟠桃大如斗，一啗三千齡。太乙顧我笑，泠風吹面腥。

仲溫畫扇上作假山樓蕉梧竹

棲欄覆牆陰，芭蕉上憇綠涼。風起高梧白，露下叢竹明。
月照假山鴈，啼人未還砧。聲不出戶心，在玉門闕。

感寓

秋風吹芳草日車縛不住素絲變青髮新人漸成故莫
嗟功名遲政為讀書誤昔賢雖達道不免在丘墓

送鐵厓先生歸錢塘

團花染累吳蠶繭五色文綾出金剪海風吹度滕王宮
南浦西山盡簾捲天狗夜吠聲如雷東奎西壁昏煤焰
上洲自可駕黃犢鐵箸何用畫寒灰牛酥燭花春未老
湖上同誰剪芳草真珠酒瀉紫蒲萄金錯刀鐫紅瑪瑙
六橋楊柳香霧深吳娃一笑千黃金莫邪不作老龍舞

鐵管自成丹鳳吟軟輿送別湖源道江花照人日果果
長風吹送書盡船先生眼空方醉眠

唐五王擊球圖

興慶宮前春正熟綠楊夾道花如雪球門風起日西斜
五馬歸來汗成血潞州別駕醉眼纈雙袖傾欹擁岐薛
申王按鞚宋王馳杖撲球囊手親挈草平如掌馬力均
玉鞭十里不動塵黃門扶入五花帳大衾長枕媯家人
花萼相輝雨氣寒樓中歌管漸闌殘紫騮不踏球場路

萬里青驃蜀道難

中秋碧雲師送蟹

天風吹綻黃金粟簷前老兔飛寒玉客憲不記是中秋
但覺鄰家酒漿熟泖田秋霽稻未鎌葦箔竹斷收圓六
紅膏溢齒嫩乳滑脆美簇簇橙絲甜無腸公子誇豐饒
兩戟前驅終受縛虧心畫煖白玉牋夔牛夜泣紅銅殼
麌生風度亦可憐且對霜娥供大嚼酒後高歌繞碧雲
九峰一夜霜華落

青山白雲圖

青山青青白雲白一尺小溪千里隔扁舟艤艤不見人
雞聲何處秦人宅桃花流水春粼粼不識人間有戰塵
待得紫芝如掌大歸來甘作太平民

李嵩宋宮觀潮圖

磁州夜走泥馬駒卧牛城中生綠蕪炎精炯炯照吳會
大築錢塘作汴都玉殿珠樓連翠閣七寶簾櫳敞雲幙
生移艮岳過江南不數東京舊帷樂茂樹盤盤迷綠雲

龍飛鳳舞峰巒奔玉床下壓大江小海水正入東華門
木樨花開秋可數紈紈靈鼉振天鼓海門一線截江來
雪壁銀城晝飛舞吳商楚估千萬艘黃龍戰船頭尾高
豈無海道走中土長驅逐北乘風濤煙霧蒼蒼繞城郭
屋瓦魚鱗互參錯百萬騎民事醉醺坐使中原棄疆索
因循六帝不復讎西風八月凭江樓攢宮人飲白骨恨
洪波不洗青衣羞邦基削盡師臣逐軛道人降子嬰哭
繡胸文頸踏浪兒回首誰能報君辱廟宇沙頭卓大旗

天吳縮頸不敢馳行人指塔話楊璉三十六宮秋草飛

棲鶴峰

遠東失却丁令威赤壁夢裏橫江飛明河洲頭槎已爛
千歲去家今始歸晴峯歷歷入雲小獨立秋空望華表
華陽真逸上清來鐵笛一聲山月曉

鞠潭為顧子順賦

盤龍塘下潭如井百尺甘泉冰雪冷瓊彝一勺露生香
能黑華顛駐光景九月十月天雨霜七十二種分秋芳

粼粼曉碧卓倒景白者白玉黃金黃咀鞠之英飲潭綠
不數南陽舊甘谷童子開門濯帽紗報道新醅夜來熟

題雲山樓

遠山近山濃淡青朝雲暮雲先後生我樓雖小實空濶
雲自往來山自橫山耶雲耶兩無礙地久天長果誰在
渺茫蜃氣等虛空縱有軒窗寧足怪為愛雲山構小樓
看山看雲今白頭山形起伏只如舊雲濕雲晴知幾秋
門窓向山作長揖長揖雲山兩俱入推窗送山出樓去

山出雲歸樓自立愚公好勤不奈閒孫孫子子厭躋攀
眼空四海本無物何事欲移門外山

題壽老人松年圖

我昔湖上看眼松蟠屈蒼龍陰十畝青天晝暝雷雨黑
白日猶疑鬼神守却憶僧前如雨落春雨新袖不盈握
如今合抱復蔽牛偃蹇輪囷卧丘壑松下老僧金骨仙
親手種松忘歲年倒持一尺白鸞尾挂頰聽風當晝眠
茯苓作粥粉作餅千斛松醪供酩酊不用飛丹駐玉顏

前身自是陶弘景

周昉橫笛圖

一婦跨鐙如習騎一婦鵲立類勇士一婦橫笛坐胡床
容貌衣裳略相似蓬鬆雲髻作懶粧了鬟手擎紅錦囊
人言天寶宮中女我意梨園舊樂倡憤昔承平生內荒
宮中消息漸難藏昨宵一曲寧哥笛明日新聲滿教坊
春嬌滿眼情脈脈喚起紅桃親按拍不將三弄作伊涼
潛把閒情訴秦號聲悽調低承索索碧然有聲如裂帛

月落長安天四更六宮一夜梨雲白

桂林圖

瑤堦夜冷莎雞泣老兔西飛天宇濕萬斛秋香捲海風
丹砂滿地誰收拾太湖仙子月中立青瑣畫闌塵不入
玉鞭一尺跨白鸞笑向霜娥作長揖

太真明皇竝笛圖

黑奴紗索花奴鼓譚奴撫掌閻奴舞阿環自品玉玲瓏
御手夷猶親按譜風生龍爪玉星香露濕櫻唇金縷長

莫倚花深人不見李貓側足傍宮牆

荆卿嘆

白虹貫赤日易水生淒風燕人盡悲憤相送冀城中筑
聲何慘憾歌意哀無窮豈不念即往立揕羸政胸徘徊
有所待匪畏秦帝雄自恨劙術疎未易了君事秣馬膏
吾車我客久不至奈何遽相促苦未知人意丈夫重然
諾斷臂死不辭但憐樊將軍九泉終見疑咄彼死灰兒
曷足同等夷

滄海君

漸離筑中鉛作水荆卿臂落圖窮七鮑魚風起鸞車腥
不待明年祖龍死赤帝子滄海君劍三尺椎百斤千金
胡為輕報秦英雄不進圮橋履亦作秦皇刀下鬼

鴻門會

雲成龍氣成虎椎鼓撞鐘宴真主披帷壯士髮指冠側
看當筵請公舞白髮老成心獨苦玉玦三看君不語五
星東井夜聯珠天狗攏捨落如雨鴻溝咫尺接鴻門千

里神駉一夜奔君不見龍泉影裏重瞳瞽玉斗聲中五
體分

朱虛侯行酒歌

長樂宮中女天子盛設賓筵懽戚里百官侍坐莫敢違
諸呂誼闌笑聲起御史中丞不糾儀叔孫制作成虛禮
朱虛奉勅起行觴手提三尺昆吾鋼田歌聲振野雞伏
頸血光寒漢道昌

廣川王愁莫愁曲

愁莫愁死即休鉛灌口刀灼眸托灰煮屍劍擊頭愁莫
愁永巷春深作繫囚愁只愁老嫗哭使者來窮詔獄徒
上庸伏顯戮雪我無辜人十六

賣卜翁

三月長安道雨過街樹綠下有賣卜翁危坐營握粟舉
口講仁義旋式推禍福不學賈大夫憂來方賦鵬

巫蠱使

禪襪步搖冠曲裾紗縠衣偉哉燕趙士借問此為誰謁

帝登犬臺利口興禍階能令親父子恩愛一朝乖血濺
長安城尾橫泉鳩里雖族佞臣家不益儲君死望思思
不歸至今天下悲請聽三老議兒罪只當笞

東門行

東都門外今古稀東宮二傳同日歸百官祖道設供帳
勅賜黃金作酒貲歸來日日會親友盡賣賜金買醇酒
白頭望之蕭日上承明奏事勞一杯鳩羽不就獄博得

君王祠少牢

誅宦官

漢靈帝建寧元年太傅陳蕃奏誅宦者曹節等不果俱被害中平元年尚書何

進亦蹈此弊

太白入房天示儆丞相三公俱有眚侍中已奏天官書
北寺獄詞猶上請五官令史發奏章姦謀夜召共與張
尚書詔版出脅筆一十七閻心計長白頭老翁短才術
援劙突門肆呼叱門生官屬務相隨誰解盡言箴八失
於乎太傅死將軍誅洛陽都亭梟血顱宗親賓黨一日
屠朝廷大柄歸闇奴乃有何尚書不肯鑒前車又向嘉

德殿前伏屬鏤誅宦官良可乎

夕陽亭

百官供帳紛營營夕陽亭西誰遠行充間之子專閭鍼
仗節萬里西南征結婚一語聾天耳既鑿凶門行復止
衛家五美空善評姦謀仍落三豎子君不見鬼公怒攝
項城軍殘喘聊延衛府勲枯木劔鋒金屑酒天刑猶脫

廣成君

玩鞭亭

疇烏壓營營作聲紅光紫電圍金鉢黃鬚小龍馬上笑
白首飢豺夢裏驚老奴怒擲珊瑚枕追兵起合琉璃井
巴馬東歸疾似風道傍遺糞如冰冷健兒空玩七寶鞭
荆臺老姥功誰傳

胭脂井

胭脂井瑪瑙甃琉璃欄黃金轆轤銀綆寒桃花小波下
無底雌龍古怨沉紅水天姬不作井中鬼玉樹飛花落

如雨

天寶詞

林甫官朝日韓休罷相時新臺初納婦興慶又生兒玉
柵籠鸚鵡金盤進荔枝內前車馬棘無地避諸姨

雙廟詞

睢陽戰敗血飄杵力屈猶思為厲鬼玄元祠前哭一聲
朝食愛姬暮羅鼠唐家宮殿秋草生二十一陵如掌平
獨遺雙廟門前石日有行人來繫牲

岳鄂王歌

君不見南薰門鐵爐步神矛丈八舞長蛇雙練銀光如
雨注又不見鐵浮屠拐子馬斫逕鋼刀飛白霜貫陣背
嵬紛解瓦義旗所指人不驚王師到處壺漿迎兩河忠
義望風附襄鄧荆湖唾手寧朱仙鎮上馬如虎百戰經
營心獨苦賜環竟壞迴天功捲旆歸來卧樞府錢塘宮
殿春風輕嬌兒安宴醉未醒徒令功臣三十六舞女歌
兒樂太平虎頭將軍面如鐵義膽忠肝向誰說只將和
議兩封書往拭先皇目中血將軍將軍通軍銜君命不

受未為失大夫出疆事從權鐵馬長驅功可必功成解
甲面赤墀拜表謝罪死不遲惜哉忠義重山岳智不及
此良可悲嗚乎肆讒言加毒手申王心循王口斬王湖
上乘驢走五國城頭帝鬼啼邊垣相酌平安酒

厓山行

三宮對壁國步絕燭天炎火隨風滅間關海道續螢光
力戰厓山猶一決午朝樂作兵合圍一字舟崩遂不支
檣旗倒仆百官散十萬健兒浮血屍皇天不遺一塊肉

一瓣香聞海舟覆猶有孤臣卧小樓南面從容就市戮

雉子斑曲

雉子斑雙雙起錦膺繡頸班
爛尾十步一啄粟百步一飲水雌逐雄飛雄隨雌誓不願拘攀生寧求野鬪死野鷺
昨夜下蒿藜搨雄飛去雌獨歸雉子斑忍分離辟邪伎作鼓吹悲

房中思

紅象作小梳髻龍盤漆髮香泥擣守宮染透桃花骨白

馬不歸來倚床弄紅拂桂陰綠團圓坐對玲瓏月

銅雀妓

陵樹日沉西秋風石馬嘶芳樽傾總帳詎肯濕黃泥慘
慘笙歌合遙遙望眼迷玉人脆如草能得幾回啼

秋怨

雨聲繞山來撼屋風獵獵銀床暑氣消金井下梧葉胭
脂墮微淚鸞鏡曉妝怯香冷紅象梳髻薄釵燕帖

桃花夢

美人夜出胭脂井骨醉香肌春不醒去年阿護不重來
獨倚晨光照芳影彩雲紅雨兩無心覺來飛去三青禽

秋夢引

翠翹半軛雙飛鳳轔轤金井懸銀甕萬絲翠霧刷鴉光
兩點秋波和淚送芙蓉帶露不忍折鸚鵡隔籠時自哢
多情宋玉正悲秋故放香魂入秋夢

梁苑行

銀鱗靡靡天光晚盡出梁王江上苑脩眉凝睇秋波長

薄袖分香春麝煖氤氳寶鼎騰水沉寂歷宮門閉金鍵
三十六竿吹紫雲露冷高臺雙鳳遠

楊花詞

東風吹春春不醒桃花杏花空娉婷萬絲剪綠暗如霧
千里相思長短亭亭前女兒十六七手挽柔條背春日
六街馬蹄踏黃塵雪花漫天愁殺人

出自薊北門行

出自薊北門遙望瀚海隅黃沙落寒鴈衰草號雄狐河

水血成冰土塚碑當塗乃知古戰場本是賢王都武皇
昔按劙一怒萬骨枯半夜下兵帖六郡皆謹呼將軍各
上馬百道追匈奴羊馬滿大野萬帳收穹廬英英長平
侯六驃走單于至今青史上猶壯武剛車

採蓮曲

明月滿大堤蕩舟湖水西槳牙鳴浪碎船尾拂花低綠
鬟濕香霧紅袖胥芳泥採蓮不得藕空姑鴛鴦棲

當爐曲擬梁簡文帝

初八月上絃十五月正圓當壚設夜酒客有黃金錢懽
濃易得曉別遠動經年相送大堤上舉盃良可憐

薄命妾

少長深閨裏面不識風吹自為薄情婦懶塗紅玉脂花
軒背春睡月樹惱秋思不嫁張京兆敢煩郎畫眉

胡姬年十五擬劉越石

胡姬年十五芍藥正含葩何處相逢好并州賣酒家面
開春月滿眉抹遠山斜一笑既相許何須羅扇遮

春畫

樓觀參差半空起
紗縹闌干煙霧裏
綠萍一道浸鴛鴦
笑聲只隔桃花水
柳下粉牆斜靠
街當畫紅門半扇開
遊絲冉冉掛簷角
燕子一雙何處來

江南弄

菱尾蒲芽新
水足沙暖小
桃紅夾竹誰
家燕燕倦東風
戢翼畫梁春
睡足螭頭舫子載
醞醞勿惜千金買
詞曲
明朝風雨蔽九川
千里江南芳樹綠

哀亡國

買桑餽蠶絲不多鑒注種藕蓮幾何廣陵夜月璫花宴
結綺春風玉樹歌君不見黑頭江令承恩早白髮蕭娘
情未了狎語淫人夢不醒宮城綠遍王孫草昏昏黃霧
塞宮門白練寒生玉頸痕錦綉江山春似畫幾傷風雨
弔迷魂

瑤池曲

曼倩啼飢桃未熟綺憲珠樹層陰綠上清童子晝臨闕

鸞尾掃雲方種玉芙蓉
畫闌春晝長簫韶一派起回廊
八龍未暇送周穆三鳥遽能迎漢皇
風雨蒼蒼隔玄圃
不勞西望祠王母贈君桃核大如杯
歸植茂陵陵上土

楊白花

楊白花何輕薄隨風渡江去飛向誰家落江南
風雨春先老陌上悠揚為誰好永巷春歸夢不成綠池一夜浮萍生

昭君怨

四絃嘈嘈彈北風邊馬嘶回頭望漢月遙落長安西白
草沒行路萬里春淒迷誰謂秭歸女去作單于妻故淚
入穹廬顰眉向羊酪敢恨君恩輕惟憐妾命薄安危托
婦人良為君王羞謀臣自無策畫史不須尤

神絃十一 白石郎

曲

石郎家住南山裏夜叱卧羊成隊起砑光羅帽舞香山
金礦銀坑爛如紙竹節短鞭鞭赤狐山精木魅聲鳴鳴
回風蹋水過溪曲旋折山花聘小姑

雙燕離

雙燕復雙燕雙飛繡戶中梅梁立春雨桂殿別秋風火
焚柏梁臺信斷鳥衣國羈雌憶孤雄雙飛難再得卵破
巢既空繫絲徒爾紅曾如燕赤鳳能入漢皇宮

綠水謠

今宵何處月南浦木蘭船半夜涼風起荷花如錦鮮莫
剪莖上葉水珠有時圓且留泥下鷺要使根株連鴛鴦
不並翅好事琉璃脆解佩擲真珠少酬交甫意

子夜吳聲四時歌

朱雀街頭雨烏衣巷口風飛來雙燕子不入景陽宮為
問秦淮女還知玉樹空

塘上行擬甄后

白露下塘蒲芙蓉秋露濕不忍生離別時抱蒹葭泣

張魂啼血行二首

孤城四面啼猛虎怒豹咆哮餓彪舞東海王公長獵兒
手有長刀腰有弩黃公前日為虎吞膽落獵兒深閉門

今晨馮婦復攘臂虎視不動門前蹲君不見妖狐假威
不敢搏而況真虎據巖壑張魂導虎已何時血腥芳草
愁離離

白面於菟行偃草雄劒為矛戟為爪夜越鐵關吞九牛
弱婦嬰兒眼中飽郊原十里吹腥風白骨塞途秋草紅
肝腸掛樹野鴉噪鬼火照城人跡空鳴乎獵師心力巧
藥箭無功機發早舊魂走抱新魂啼一夜黑風天亦老

桃花馬歌

房星下飲瑤池清神光夜化花龍精東風滿背騎不得
水痕淨洗黃魚腥班班朱英點晴雪滴滴真珠汗凝血
高蹄蹴踏花雨香仰面嘶春春正熱周家穆滿遊玄圃
萬里西馳覲玉母青絲繫樹搖玉柯錦綉叢中五雲舞
歸來復入玄都觀紫陌韶華正零亂天閑不數連錢驄
路人只作文虎看天台九曲溪流芳解鞍春水浮丹光
劉郎牽入落花去撲面玉鞭蝴蝶忙風流自許王武子
未信叔癡癡不語千年駿骨作銅聲燕昭臺高金似土

春山行

須彌削出金芙蓉青蒼萬古摩玄穹丹砂空綠鬪靈壽
七十二候常春風金骨仙人秘靈寶蟠桃花下金光草
不知壽與天齊傾但見羣真頭白早君不見十八公封
五大夫根盤琥珀枝珊瑚與君繪作春山圖

玉帶生歌

玉帶生端人也事文丞相為文墨賓
與同館謝先生翫友善宋革丞相殉

國死訃聞生與翫哭於西臺之下復憫宋諸
陵暴露私相益覆識以冬青木而去後翫道

卒生令歸於會稽抱遺老人與秋聲子輩為
察中七客初宋上皇以丞相恩賜以紫衣王

帶令不改
其舊稱云

鸞刀夜割墨龍尾
碾作端溪蒼玉砥
花鏽鐵面一尺方
紫霧文光上書几
銀絲雙纏玉腰圍
翡翠青班繡紫衣
金星鴟眼不敢現
案上墨花皆倒飛
景炎丞相魁龍榜
撫玩不殊珠在掌
背銘刻骨四十四
血錄至今猶可想
謝公古文令所師
西臺一慟神血垂
獨持老瓦出門去
冬青樹邊書憤詞
天翻地覆神鬼怒
九廟成灰陵暴露
廬陵忠魄上騎箕
流落端生何所寓
抱遺老人生計拙

愛把文章寫忠烈，霜臺一夜電光飛。
不必矮桑重鑄鐵

夏蓋山石鼓謠

鼓高一丈徑三尺下有盤石為足謠云石鼓鳴三吳兵

臨平石鼓不自鳴，直待蜀桐魚作形。
陳倉石鼓載文字，徒有鼓形無鼓聲。
夏蓋之石或自鳴，蓋石一鳴三吳兵。
嗚呼三吳十年厭干櫓，不緣夏蓋鳴石鼓。

投贈周元帥十韻

玉帳臨江近金城，鎮海遙鼓聲秋動地。
劍氣夜衝霄露下，星河白風高草木凋。
山寒旗獵獵，沙淨馬蕭蕭。左廣

初傳駕西船已畏燒五離纔散鼠六博又成梟豪傑乘
時奮賢材早見招紫樞虛上座黃闈待清朝會見擒奸
操歸來醉小喬恩波門外柳長拂富春潮

林塘幽十四韻

勝境愜幽尋芳塘漾茂林浸天驚滉漾拔地見蕭森隔
水時間磬穿花或聽琴青浮鰲弁小黑直蜃宮深躍藻
跳珍鯉爭枝墜野禽風回微作籟雲去尚留陰鶴起如
迎客龍歸若獻琛蘿房依蔭芷寶筏渡迷沉春雨移舟

坐秋霜倚杖吟興惟便枕簟懶欲棄冠簪住久將忘世
觀來已悟心埃塵猶不測榮辱豈能侵天樂朝朝下神
燈夜夜臨闈浮那有此大士現潮音

寄天香師

圓帽頂紅毳方袍搭絳紗海龍邀早飯山鹿進秋花試
墨探倭紙尋泉鬪建茶時拋紅荳粒竹下喚頻伽

贈西僧

西離五印度東渡獨繩橋海若擎雙足天花上七條番

經函貝葉飯鉢繫柳瓢回首流沙路程途十萬遙

燈下有懷

憶昔童婆店高屯生夕曛樹聲呼出月石角碍回雲野
雉穿花見清猿隔澗聞馬頭三四子曾縛故將軍

客問湖源風土

湖源源上路東與浦陽連地勝藏春塢民居小有天秋
山紅入畫晴野白浮煙一道桃花水如令泊戰船

取青樓夜飲戲葉子肅

酒令傳觴急燈花
燭燭低山人清似水
老子醉如泥天
黑月墮地水寒星在溪
猶吹赤蹄紙照道
畫樓西

送哲古心往吳江報恩寺

蘭若壓江橋長廊晝寂寥
鳥啼春後樹龍定起中潮
花雨隨風散茶煙隔竹消客程
他日路清話借通宵

虎丘寺

四野天垂幔孤峰地湧金潮來講臺潤日午劒池深曲
逕穿紅樹長廊蔽綠陰小吳軒子好誰繼老坡吟

顧野王讀書堆

昔聞野王宅令上讀書堆篁竹最深處菊花時自開天
風響鐘磬海氣結樓臺回首梁陳事悲歌付一杯

寄中山隱講師

問訊山中隱中山第幾重風廊巡夜虎雲鉢聽經龍流
水千溪月寒巖一樹松無因淨查滓來共上堂鐘

東顧明府

水國差徭重江城廬舍稀曉星懸印出春雨勸農歸官

馬峨新月公庭散夕暉欲知通守瘦但視野人肥

次趙伯溫韻

共是越州客同為莊舄吟潮來鑴井沸龍起鏡湖陰烽火臨邊急池塘入夢深蘭亭脩禊處無復舊攜琴

立仗馬

照夜玉狻猊霜毛鐵鑿蹄春風金絡腦小雨錦障泥御駕馳天上軍封受海西日供三品料緘口不聞嘶

二喬圖

竚倚兩嬌嬈人呼大小喬腕鬆紅玉釧釵紫金翹公瑾應同調孫郎早見招獨怜銅雀瓦風雨夜蕭蕭

次鍾君來韻

我愛山中好全無俗事牽秋霜溪口樹春水渡頭船豆熟白鷓聚花開錦雉眠官閒僧舍近棋罷又詩篇

春登永安寺

宿雨忽開霧凭高散旅愁野烟啼翠鳥庭草卧青牛怪石尖於劍長杉高過樓尚懷登絕頂東北望杭州

井西丹房

葛井西頭更向西丹房高與白雲齊
鉛田虎下飛紅電汞海龍沉結紫泥山
鬼俯欄窺火候爐神伏地弓刀主
飲餘一醕中黃酒坐聽鶻聲松上啼

席上得搖字

翠館行厨雪乍消牆頭新柳又垂條珊瑚枕煖人初醉
鸚鵡籠寒舌未調座上綠鸞珠挿鬢掌中飛燕玉圍腰
海棠一夜東風軟落盡雲邊金步搖

東衛處士

傍山依水作幽居未減南陽諸葛廬卓行自成高士傳
浮榮不用辟書除烏絲小楷春題畫青簡長編夜著書
愧我紅塵走官馬計偕空詣漢公車

贈軒轅道士

子是彌明幾代孫姓名方使世人聞坐驚星斗生雷効
動使煙霞繞練裙月裏白鸞招子晉山前青虎借茅君
長春酒熟朝朝醉高枕瑤琴卧碧雲

王氏小桃源

一簇林塘隱者樓天然畫出武陵溪循牆流水灣灣曲
匝屋桃花樹樹低春雨閉門山犬吠炊煙隔竹午雞啼
幽深直得秦人避但恐漁郎路獨迷

留別賽景初

暖雲將雨驟陰晴四月羅衣尚未成萬點愁心飛絮影
五更殘夢賣花聲方空越白承恩厚繡襦諸子照道明
自笑窮途不歸去空懷漫刺闔閭城

臨安軍前

寂歷荒城遍野蒿
昔人事業已徒勞
鴈將秋色催歸馬
楓引霜華入戰袍
地阻東南鄉信遠
天昏西北陣雲高
不堪屢作還家夢
起倚西風撫大刀

良宵

良宵情緒不堪題
立遍闌干意欲迷
鐵撥頓敲壺口破
金刀頻剪燭心齊
綠分楊柳湘簾細
紅壓櫻桃斗帳低
彷彿第三橋畔宿
月明珠樹夜鳥啼

次韻江鍊師

道人容貌似嬰孩
手抉天罡步斗魁
拄杖神遊却月觀
乘風夜上鍊丹臺
劍橫秋水蒼龍化衣染春雲
玉女裁聞道蓬萊隔東海
芙蓉三朵翠成堆

次韻虞閣老題柯丹丘畫

夜雨幽篁密晨霜落木多
月明商女恨江冷越人歌

睦垣畫

山果綴丹實霜林開畫屏
美人湘水上誰與拾秋馨

溫日觀葡萄

銀甕懸紫駝驛騎曉來急西風吹竹窻一夜鮫人泣

聽松圖

洪巖羽士氅衣輕脚踏青鸞下玉京直壁倒懸秋萬尺
盤陀石上聽秋聲

竹蝶圖

落盡春紅春夢熟平沙小苑窻中綠美人睡起背東風
蛺蝶飛來上脩竹

余山道中

老樹排雲石逕斜
炊煙起處有人家
一聲啼鳥春成夏
新綠滿汀浮柳花

題畫

晴川渺渺停春水
怪石峨峨挿亂山
最愛夕陽煙寺裏
千株古木伴僧閒

趙集賢枯木竹石

槎牙老樹響天風
寂歷幽篁泣露叢
惆悵玉堂舊公子
千株古木伴僧閒

故家陵廟月明中

都玄敬詩話云會稽張思廉元末流寓吳門時張士誠欲結內遊客大開賓賢之館聞思廉名禮致為樞密院都事思廉遂委身事焉未幾張敗思廉變姓名走杭州寄食報國寺旦暮手一編人不得窺後思廉死寺中人取視之乃其平生所作詩也孫司業大雅嘗為思廉著傳

石倉歷代詩選卷二百七十四

欽定四庫全書

集部

石倉歷代詩選卷二百七十五至五八

詳校官庶吉士臣龍廷槐

侍讀臣孫球覆勘

總校官進士臣朱鈴

校對官主事臣張慎和

謄錄監生臣李世麟

欽定四庫全書

石倉歷代詩選卷一百七十五

明 曹學佺 編

元詩四十五

吳景奎

喻鳩

東村五畝園荒穢久不治荷鋤種豆苗愛此膏土肥森然已甲坼保之若嬰兒羣鳩競拂羽俛啄思無遺傍麾

雖稍却投閒復在茲一啄不汝惜再啄苗已稀剜我心
上肉充汝腸中飢汝飢誠可憐繒繳那忍施桑林正沃
若桑椹方垂垂椹熟可醉飽林深無危機恩怨從茲釋
斯園勿重窺鳩鳴對心臆羣然亦高飛

采菊

爽氣浮西山風烟澹原隰悠然出衡門佳節逢九日衆
草萋以青黃菊正秋色采之不盈把妙意良自得謂能
制頽齡可泛忘憂物驩言命壺觴萬事付酣達永懷東

籬人俛仰已陳迹

旅夜

逆旅頻看鏡秋來白髮生孤雲渺何許遊子獨關情野
迴雞三唱霜寒雁一聲此時愁絕處歸夢度江城

旅夜

秋宵不成寐缺月向人斜更漏傳三鼓寒燈落一花窮
愁長伴客幽夢只還家烽火何時息吾生未有涯

和韻秋日述懷簡李克明

草木驚搖落賓鴻度漢河故山歸夢遠明月客愁多不復丁年壯空悲子夜歌倚欄看北斗零露滿烟莎

得家書

病起家書至頻看坐夜分弟兄憐雁影親友散鷗羣嘗稻應翻雪裁松半入雲故山歸去日嘉樹定繽紛

中秋對月

素娥游宴清虛府手摘蟾光咱寒兔瓊樓高處作中秋淨洗銀盤浥風露此時令我憶去年山中桂影浮觥船

今年却來江海上美人千里同嬋娟世間憂樂知多少
天地無窮月長好明年蹤跡何處看此夜陰晴亦難保

風雨赤城旅夜書懷

吾兒為客在黃山我向丹丘歲又闌千里鄉關家信遠
一燈風雨客氹寒衣鉤石角難行路船趨潮頭易上灘
須信故園歸去好梅花相伴竹平安

哭鄭伯容

錢塘十載客淒涼病入丹丘蝶夢長滄海歸魂依骨肉

皇天老眼忌文章春暉早與萱花殞書種誰傳帶草香
白髮若翁腸欲斷束棺歸葬鄭公鄉

送錢思復進士赴會試

手折蟾花第一枝又乘官艦赴春闈江峰曉夢湘靈瑟
雲錦秋裁織女機紫電早催龍尾化絳霄行見鳳毛歸
堂中慈母占烏鵲看取青衫映綵衣

桐灘月夜舟中聞琵琶

湛湛長江上有楓子懷渺渺水雲空未誇溢浦逢筒婦

賸喜桐灘有釣翁
欹枕醉眠秋渚月
掛帆爭趨野潮風
曉寒難結思歸夢
一尺清霜壓短蓬

蘆花禪

搖落蒹葭白露霜
冰綃覆護帶憊張
瓊臺積雪和烟凝
銀浦流雲入夢香
失絢曾憐衣冷落
吐茵空染酒淋浪
雁聲勞艸滿湘夜
起坐俄驚月一牀

寓錢塘寄呈元禮叔父

遊子辭家負薜蘿
故園春物近如何
他山杜宇客懷惡

清夜竹林歸夢多
荃蕙化茅成楚怨
牛衣扣角起商歌
遙知病後無情思
莫遣愁添兩鬢皤

夢仙

紫鸞邀夢到仙家
結佩相逢萼綠華
翠勺細傾千日酒
蜺旗斜插五雲車
飛瓊鬟影含清霧
弄玉簫聲隔綵霞
杜宇無情驚覺後
月痕猶在碧桃花

壽開元宮王眉叟真人

紫誥銀章下浙江
羣仙遙引散花幢
錦雲繚繞開丹室

珠樹玲瓏見碧窓弄月吹笙秋鶴隻朝天飛烏曉鳬雙
朝來阿母蟠桃熟丞相堂前醉玉缸

晚露

雨晴秋氣轉蒼涼萬籟依稀奏羽商烟抹林腰橫束素
日迴山額半塗黃鸝鷕曬日眠池草翡翠銜魚立野航
霜蟹正肥新酒熟破橙宜趁菊花香

和韻春日二首

雨香雲淡燕泥融珂馬如行罨畫中江上數峯浮暖翠

日邊繁杏倚春紅鶯花世界惟消酒水榭簾櫳易受風
陌上遊人皆倒載寧須拍手笑山公

遊絲舞蝶共徘徊野馬空濛拂面來風雨偶然成晚霽
園林何處不花開江橫羅帶銀鷗起雲想衣裳玉女裁
賸喜麻姑能送酒只愁門外索空罍

春思

飛燕腰支掌上輕塵生羅襪步盈盈鑰魚不寐春無賴
笙雁頻移曲未成斂黛低鬟初破睡吹花嗅藥獨含情

許身肯作王孫女頭白哀吟對馬卿

姑蘓臺

烏喙難忘石室囚芋蘿西子入長洲鷗叟若羣姦臣去
麋鹿安能此地遊落月當門懸目恨遠山顰黛捧心愁
後人俛仰悲陳迹獨倚欄干對虎丘

葺山中故廬有感

溪上先人有敝廬昔年經始最勤劬弟兄已作辭家燕
林木誰瞻愛屋烏牆角蓬蒿迷町畊檐牙風雨老枝梧

百年堂構真吾事未讓揚雄宅一區

夏夜山中偶成

山氣空濛雨氣收南箕落落月如鉤
松濤忽捲三更雨林籟俄驚六月秋
破甕從他中夜舞敝裘憐我少年遊
夜來起坐空長歎生不成名已白頭

自山中歸鑑湖別業

數椽茅舍清江曲六月炎天困鬱蒸賴有青山圍故宅
歸來赤脚踏層冰石泉松籟為琴筑野籬山肴薦豆登

明日迴頭望丘壑芙蓉半出白雲層

歸故居

桂樹團團屋角青
歸來自覺懷幽情
隣翁共話桑麻長
稚子爭言竹筍生
樓上看書無限好
山中伐木有餘清
短筇來往閒成趣
流水涓涓向我鳴

草堂訪暉東陽不值是夕同胡太常宿大桐江

方丈用太常韻奉呈并簡東陽

入山休恨不相逢
意足猶如會面同
一字懶題蕉葉上

五年還訪草堂中
眼前樓閣浮新綠
鏡裏容顏減舊紅
何日重來聽說法
寶花無數墮虛空

紫巖寺

古木迴巖障綠陰
此中知有小叢林
懸崖置屋依空曲
繞澗穿雲入窈深
薈葡萄香來清鼻觀
蓮花色淨悟禪心
寶坊亦有差徭及
從此應無布地金

自山中歸

山人留我山中宿
又返湖陰理釣筒
島嶼孤雲邀獨鳥

林梢片雨隔殘虹
田歌互答耘耔樂野老
相親巾履同休道
干戈猶滿地
捷書已到大明宮

奉簡吳濬仲避地紫巖山

鏡中華髮不勝簪
歌詠周南治世音
老驥謾懷千里志
隙駒空負百年心
傳聲烽火猶虛遠
遁跡山林竟未深
多謝故人憐寂寞
可堪莊鳥獨哀吟

夜宿葉孟咨書樓

小樓蕭爽俯平川
市井收聲暮景懸
雲影消沉山外雨

月華浮動水中天船舷暝戛層簷底更漏時傳客枕邊
溪友幾番留我宿清談終夕不成眠

次韻過表忠觀

龍鳳山前一逕長錢王宰木鬱蒼蒼英雄何用作疑塚
富貴不如歸故鄉錦繡湖山猶髡髮麒麟荆棘已荒涼
表忠觀裏豐碑在異代文章尚耿光

擬李長吉十二月樂辭

正月

麌塵絲拂晴波暖霽霧空濛燒痕淺含章宮中萬玉妃
粉花點額芳霏霏條風東來初解凍蝴蝶吹醒花底夢
翠鬟梳罷玉纖寒綵燕銜春上金鳳

二月

青皇宮中花鳥使沓翠霏紅教鶯語移春檻小度芳華
金犢車輕載歌舞曲房夢斷章臺月東風不解丁香結
鑰魚夜守蒼琅根海棠飛落臘脂雪

三月

紫簫吹月梨花老碧雲冉冉迷芳草藥欄繭粟怯春寒
翠帳流蘓護鶯曉麗人一去音塵杳淚灑紅綃怨青鳥
新蒲細雨自年年曲江流恨波聲小

四月

輕紅流烟香雨足新槐影轉勾欄曲水晶簾箔度薰風
黃吻烏衣語華屋涼簪墮髮初破睡粉痕淺護脩蛾綠
並禽不受雕籠宿背人飛向荷陰浴

五月

網軒綠艾懸飛虎菖蒲花青海榴吐江蛾倚竹弄管絃
調笑懷沙怨蘭杜南薰生涼紈扇薄雕俎瑤觴勸郎酌
綵索光浮繫臂紗守宮紅映黃金約

六月

冰山瓏璁間瑤席水拍銀盤漱寒碧象牀湘簾含風漪
膩香粉汗霑凝脂赤帝啾啾火龍老琪樹西風轉昏曉

七月

鳳凰枝頭一葉飛碧疏朱紱生涼颼素紈團團恩愛衰

含宮嚼羽吹參差
瑤階露華霑履綦
星橋月帳愁別離
粉筵歡笑占蛛絲

八月

蘋風夕起涼思多
新愁舊恨生濃蛾
雲兜鶴鷁返故國
瑤階絡繹鳴寒莎
銅仙泓泓泣零露
銀灣漾漾吹涼波
素娥徘徊白鷺舞
廣庭老樹今如何

九月

黃金花開香滿把
烟草荒臺誰戲馬
楚雲櫛櫛雁西流

秋色淒人正瀟灑淚花簌簌啼新愁纏綯五色彈箜篌
寶香不煖茱萸帳明月空過翡翠樓

十月

小春一花西月黃縞衣美人吹暗香錦衾羅薦曉寒薄
夢中持贈雙明璫霜花莫灑相思樹愁殺孤棲金鳳凰

十一月

八姨手折搏樹枝海天凍合青玻瓈瓊樓仙人喚膝六
夜入銀潢剪瑛琭沈香火煖錦承塵巴羅羔酒生春麌

宮溝不寄題紅怨日映五紋添弱線

十二月

瓊芳銷歇年華改青鳥無音隔瑤海綠綃窓戶弄晴曦
柳條迎臘含烟彩上苑花須連夜開枝頭休剪楊家絲

閏月

若華煌煌紫日馭氣朔盈虛積餘數低鬟斂黛拜嬌娥
孤負團圓十三度生物超功得歲長山中獨厄黃楊樹

寒食二首

寒食今逢二月天
士甘焚死竟誰憐
年來遺逸爭求聘
乞賜新條莫禁烟

故苑烟綿野草花
廢陵無樹著棲鴉
宮中傳燭人如夢
留得東風御柳斜

舊遊

古槐疎冷日蒼涼
廢館荒臺隔短牆
自是舊遊偏易感
紫骝曾繫綠垂楊

夜雪

天低野濶凍雲同脉脉綏綏向晚空窓影漸明疑近曉
竹聲頻折怪無風

戲簡江君逸清明日移家

曲巷垂楊映杏花清明時節客移家白頭老子風流甚
自與文君駕小車

石倉歷代詩選卷二百七十五

欽定四庫全書

石倉歷代詩選卷二百七十六

明 曹學佺 編

元詩四十六

恕中和尚

日峰歌為昇居士賦

羲和鞭日昇扶桑殘星曉月俱遁藏出海高峰最先照
草木滉漾浮金光興來振衣凌絕頂俯覽人間同坎井

呼吸元氣融心神擺脫塵勞發深省一真之境無異同
聲聞醉酒如瘡聾安得毗耶多病翁與渠把手擊節歌

日峰

特峰歌

一峰特立天地間仰望不及徒躋攀知有何人住絕頂
菜葉流出清溪灣霧捲烟舒日千變枯木巖前路回轉
善財到此亦躊躇何處親承德雲面華開華落春復秋
太華未足為朋儕石背蘿陰卧麋鹿風前日下啼栗留

千奇萬怪狀不盡得趣忘言心自領栽田博飯老楊岐
見說年來賦歸隱

無言歌為真如本長老作

無言歌無言之道言難傳機頭領略猶鈍漢句後解會
知徒然我本有口且無舌興來不妨歌一闋七金山外
覓知音引得虛空笑聲咽君不見空生寂寂巖頭坐匝
地天華亂飄墮又不見毗耶病夫施一默潦倒文殊歎
無及兩處牢關盡掣開白日青天轟霹靂

示惟寂

古人出家為生死今人出家則否爾生死由來既不明
况復所為同俗子友不友兮師不師浩浩成羣習庸鄙
觸事如今已面牆何待他年始知恥而汝既然為我徒
日用應須重操履教旨禪宗力究參聖像晨昏更勤禮
儻或一朝得入頭便有清聲播人耳慎勿悠悠過一生
沒頭浸在濤浪裏我今衰老百無能隨分山林且容與
汝來問訊我合掌覲面何曾孤負汝

箴仲規扁所居為清白居

道人晏坐清白居身心不動長如如月窟深藏雪獅子
冰壺靜貯銀蟾蜍絕色純妙難測中下焉能造其域
不修梵行事空王豈守邪禪作家賊縱橫廓落舍十虛
三尺丈六攜手歸徹骨風流祇者是六門日夜揚光輝
靈利師僧近來少往往多從外邊討本無階級坦然平
到此定應先躡倒

次南堂韻送壽首座歸扶桑

屋頭鐵馬聲丁東明明歷歷揚真風老夫夢熟蓬萊宮
釣天樂廣盈耳中覺來軒知與神遇逸響遺音競奔注
夢覺曾無起滅心帖然一似靄泥絮道人推門露未乾
相看一笑非顛預十世古今融當念大千沙界歸毫端
愛爾年來手脚老出沒神機電光掃南堂室內早鷹揚
鉢袋千鈞已傳了翻憶當時侍禪榻開口便受攔胸踏
罔象明珠離水泥軒轅寶鏡開塵匣明朝送君鄞水邊
博多遠泛東歸船老夫閉門仍打眠更無心力論單傳

一笑軒為宗旨南作

一笑軒中行復坐青山白雲不可唾六戶虛凝絕點塵
經案銅餅安一箇靈山對衆拈花時百萬龍象徒蚩蚩
金色頭陀獨解事粲然微笑揚雙眉笑邊真旨憑誰委
木強楊歧未相許客來不必更躊躇便應識取軒中主

送渭侍者省師叔印宗就問訊

徂徠之松渭川竹勁節高標拔塵俗衲僧行志亦如斯
甘分空山抱幽獨香嚴一擊忘所知鳥窠疊足忘危枝

只將松竹代說法布毛何用拈來吹道人東寺有師叔
慎莫拋家事馳逐鐵船打就已多時歸颯好趁東風熟

白雲山谷歌贈麟藏主

白雲縹渺無住著獨與青山如有約暮向青山頭上飛
朝來又抹青山脚道人業空寂不喜世上名既愛白雲
白復嗜青山青結此茅廬事深隱笑指雲山當戶庭

贈道士凌雲峰

坐夏不出戶塵緣淨于掃羽客苔溪來訪我無生道無

生不可學可學成繳擾有物天地先冥冥還杳杳仙凡
本一致明悟當及早躡蹠豈永年顏冉未曾天南薰破
炎熱濃綠鶯聲老與子兩忘言塵寰即蓬島

不歸篇

昨日又不歸今日又不歸竟自無歸日勞我長歎歔歔
歔為何事憐此忘家子棄却祖翁業向外圖經紀歲月
苦無多悠悠水上波心源未照廓奈此生死何

歸來篇

歸來兮歸來歸來免攀陪山泉甘露味草座黃金臺人
生當自足自足真天祿寧為擊壤歌莫作窮途哭一法
不留情青山四時青折松拂石坐白雲林外行

道初和尚悼偈

人謂真際死我謂真際生真際本非幻幻生真際名禪
房夜月冷石塔春雨鳴宗綱正落紐佇立徒含情

寄宗聖西堂

宿有扶宗志辛勤四十年向清堪供佛業白可箋天燕

坐畦衣薄經行雪頂圓長庚光欲滅內院一燈傳

聞蟬

侵曉堆桅坐蟬聲出樹林分明宣祖意何處有几心歷
歷消清夢悠悠助獨吟時人皆共聽誰謂少知音

熱

大地爍金石禪心只要如幽閒無濁慮鬱亭自清虛坐
石頻揮麈臨流看躍魚優游三界內寒暑不關渠

悼深居迪元師兄

憶昔同參請先師彊健時一言未脫口密意已先知更
不從人覓終能厚自持陰涼天下樹展卷且高吟

疑

題珪上人山居

紅葉填松徑清溪繞竹林西風雙鬢老落日半窓陰壞
衲偏宜厚幽居不厭深竺仙遺偈在展卷且高吟

謝靜中過訪

掃跡千巖裏柴門久不開正逢新雨足忽見故人來燒
筍供茶椀烹徽薦粥杯欲留君共住分石坐堆堆

題王山人草齋

築室鳬溪上松門日夜開家貧無雀入山好有僧來雨
漏重苔草年深旋積苔繞檐梨與栗祇為子孫裁

松巖雜言

石門關外天梯險拚得身心到不難為報五湖雲水客
好來于此共躋攀

其二

念念無生自入微瓶中米盡腹中飢夜深月下敲門急

道者蕉溪托鉢歸

其三

跏趺默數鼻中息始促須知久自長日晚下牀行一徧
石爐燒過幾行香

其四

心無可了何須了道本無成作底成野性好為泉石伴
隱居不是為逃名

其五

山中十日九日雨樹頭青青落不住白犬尋蹤入草間
驚起竹雞飛上樹

其六

秋旦陰陰電光閃起洗沙鍋煮藜穀細撥爐中火種無
隣寺疎鐘隔重崦

元叟端禪師詩

寄希白藏主

青杉高簇天仁者此安禪雙澗水回合四山雲接連燈

分紅燄遠茶點白華圓別後為誰語宗門玄又玄

悼通靈仲

古今人所共如電閃青天一相不二相千年還萬年院
扃雲塢竹塔面石峰蓮因想遊從舊閒心亦悵然

送方上人西蜀省親

道本絕方所隨緣觸處真家鄉元不遠父子即非親徑
鮮粘輕策江華拂淨巾東吳與西蜀曾不間纖塵

悼靈座主

道不分年少朝聞夕可亡講精文徹梵吟好句諧唐託
質思他界遺骸厭此方台宗舊遊在名共白雲香

寄晦機和尚

流落似孤蓬君西我在東二三千里外一十五年中老
去頭毛白寒來樹葉紅所期盤石上松月夜禪同

草堂陵藏主火浴牙齒數珠不壞堅固尤多因

為說偈三首

東西諸祖塔曾已徧參尋般若謾多體涅槃惟一心矣

漁敷覺海簷葡萄綻禪林劫火洞然後清芬騰古今

悟了空王法乾坤任去留偶為雙徑住倏作九蓮遊月

冷金臺夜風生玉沼秋鄉闌楚江上誰為話蹤由

破屋孤峰頂因思在去年分香朝誦咒聯榻夜修禪解

脫華同綻菩提果共圓胡為先別去令我獨悽然

擬寒山子詩

昨日東家死西家賙冥財今朝西家死東家陳奠杯東
東復西西輪環哭哀哀不知本真性冥漠登泉臺

其二

木落湫水寒千峰正岑寂惟聞虎嘯聲不見人行跡霜
露濕巖莎月輪掛空碧此時觀此心獨坐盤陀石

其三

名利是何物人心自不灰榮來終有辱樂去可無哀富
塚草還出貧門花亦開耕桑枉辛苦鬚白鬚毛衰

其四

偃仰千巖內超然與世違采芝為口食紱槲作身衣瀑

水淋苔磴漱雲漬草扉閒吟竺仙偈幾度歷斜暉

其五

山中高且寒人罕來登陟松搖雪珊瑚蘿罥烟羃羃嚴
華春不開潭水夏方釋住此夫何為心源湛而寂

其六

我住在峰頂白雲常不開窓扉沿薜荔門徑疊莓苔山
果猿偷去巖花鹿獻來長年無一事石上坐堆堆

趙李倪三居士建凌霄會求贈

雙徑在吳淵寶為山之雄天目如屏擁其北錢塘似練
紓其東重巒疊巘不知幾千萬但見五峰秀色嶠崿摩
青空下有跋陀神龍窟上有覩史夜摩宮晴雲暖靄生
巖松朝開暮合無終窮祖師據此鞭麟鳳森羅萬象明
真宗納須彌兮于芥子卷法界兮于鍼鋒本源自性有
常分寧須妙用求神通儼如鹿園與鷲嶺紫金光聚人
天中說法至今猶未散天華似雨飄空濛

次晦機和尚韻送悟上人歸徑山

瓦缶固已無黃鍾雪曲豈混巴歌中石房巉巖自丘壑
兀坐贏得閒觀空上人何從悟玄旨了知是法非文字
高高解窮千仞巔深深能極九淵底歲晚相看正搖落
此身勿訝無錐卓歸去凌霄古寺間且聽松風撼喬嶽

山居二首

山木交柯莎滿庭馬蹄且不汚巖扃篝燈對雪坐吟偈
擁衲繞泉行課經睡少每知茶有驗病多常怪藥無靈
金園一歲一牢落誰似孤松長自青

其二

小榻新營巖瀑西白雲無路草萋萋月明局戶野猿嘯
日晏擁岑山鳥啼積世詩書空簡蠹累朝墳墓半鋤犁
邯鄲枕畔一炊黍堪笑古今人自迷

山房自述

故園歸路隔天涯絕頂閒房且寄家翻罷貝多山月上
一棚華影漾袈裟

雪樵

珠霰飄飄柴在肩且謀燒火過殘年庭前此際無人立

爐內憑誰續斷烟

次韻答林首座二首

一房閒寄長松下殘喘雖留如病何為報南山舊玄侶

幻華光景已無多

祖師門戶無關鑰今古誰云到者稀兜率宮中恣遊戲
對揚曾不負來機

寄東嶼和尚

相別于今八載餘君匡徒衆我閒居白雲流水乾坤外
終不相親枉寄書

維故人別墅

門徑無塵有綠苔東風落日舊曾來白頭道者今何在一樹櫻桃花自開

寄無維那

從教入禪今古有從禪入教古今無一心三觀門雖別水滿千江月自孤

裁松

鈍鑊橫肩雪未消不辭艱步上岩堯等閒種得靈根活
會看春風長綠條

靜軒

六戶虛凝湛不搖從教塵世自喧囂階前盡日無人到
只有閒雲伴寂寥

海翁

窮盡波瀾絕一漚餘生甘自老扁舟四溟高卧月如畫

閒把魚簑枕白頭

擬寒山子詩

人生在世有何事
日用但教心坦平
縱是金珠充屋棟
到頭難免北邙行

又

天上日沒月又出
山中葉落花還開
黃泉只見有人去
不見一人曾得回

題羅漢圖

諸諦空來世所無神通百變絕名模不知何處留蹤跡
却被人傳作畫圖

題牧牛圖

誰家荒曠連平原何處孤村帶喬木官田耕盡牛正閒
且對東風弄橫玉

題水月猿圖

水中明月輪可玩不可覓獨猿徒自狂觸破寒潭碧

楚石禪師詩

送哲禪人仗錫省師並東仲默和尚

仗錫老師七十八眼如點漆眉如雪分明畫出須菩提
坐聽孤猿吟落月深山古寺天正寒葉深一尺堆牀前
地爐燒火簾不捲袈裟黑似爐中烟客來只恐放烟出
爭奈山林藏未密喧喧道價滿江湖負笈挑囊固非一
千里東歸頻寄聲乃翁終是有鄉情目連鴛子神通妙
何必區區圓相成

送淨慈明侍者回東山

南屏山中五百衆大有神通并妙用可憐辛苦賓頭盧
無時不赴檀門供就令侍者托鉢歸眼上不惜長雙眉
問渠扇子在何處臨風更索犀牛兒犀牛兒吼難描摸
王維筆下丹青薄西湖烟雨漫遮藏日出東山露頭角
送的藏主歸里

日本師僧皆可喜不憚鯨波千萬里捐軀為法到南方
如此出家今有幾苦參的是禪家流密證潛符更奇偉
從來佛祖是生冤肯認山河為自己五千餘卷紙上語

却笑癡蠅鑽未已自家寶藏無一物盡大地人提不起
年窮臘盡歸去來東風入律梅花開

送天寧謐藏主回淨光

永嘉老子錯行脚被人呼為一宿覺曹溪只是箇樵夫
佛法何曾解參學三千威儀八萬行一霎清風頓銷鑠
偶然換得文字成被人喚作真丹經泥中洗土不唧噥
畫蛇添足空丁寧看渠兩著渾未是學者焉能出生死
如來藏裏本無珠萬古虛名挂唇齒為我殷勤問淨光

永嘉老人應著忙說與如今甚時節莫戀松風與江月

送興藏主遊金陵

春山青春水綠一枝兩枝梅花開十里五里村路曲石
城雲影聚復散草店雞聲斷仍續莫言描畫心手拙此
景當前本奇絕誰能一字施品評簡盡五千四十八道
人笑我虛開口矢上加尖成漏透背却法堂穿草鞋井
深縛短終難構

送性禪人之江湘

秋雨垂垂風颯颯離思禪心乍離合湘江東畔雁初來
漁唱穿雲笛韻哀更有蘆花飛似雪遠山重疊錦屏開
癡兒喚作真如界苦向宗門立知解折脚匡牀冷似冰
呈似老僧心不快

送歲侍者

秋風處處飄黃葉正坐蒲團縫壞衲道人別我去遊方
三度問渠渠不答試看如今是甚時千鈞祖道懸于絲
師求弟子固未暇可有弟子求其師君不見投針徹底

驚龍猛酣醉在牀猶未醒拈得山僧鬼角杖他年卓在
孤峰上

送徑山一藏主

一大藏教閒葛藤盡大地人跳不出夢庵本是奇衲子
夜半扶桑吐紅日拈起凌霄峰頂茶却是洞庭湖上橘
三千世界庵摩勒放開惶聚誰能詰松風澗水自談玄
却笑區區論權實

鼇山贈僊巖金長老

有鼈山兮甚奇特鎮黃巖兮浮翠色峭崔嵬兮高崩劣
直上雲端望何極君不見雪峰昔遇巖頭老三十年來
盡顛倒流出胸襟蓋天地鼈山店上方成道龍鱗鱗魚
鱗鱗幾番滄海飛紅塵毗嵐猛風吹不動十洲三島長
如春

笑雲

山中人笑雲來去幾度欲畱畱不住一片西兮一片東
為誰掛在青松樹有時卷不論高低并近遠有時舒南

北西東滿太虛本自無心休問跡悠揚散漫隨風力白衣蒼狗任縱橫返寂還空何處覓却恐山中雲笑人區區未免走紅塵但能放下便安樂所以長將雲喻身

送可禪人

即心是佛無心道不覺全身入荒草語拙今人笑古人却笑今人巧後生晚長忌聰明且要低頭學老成却憶南泉好言語囁渠癡鈍過平生

送寧侍者參方禮祖

佛祖叢中無位次
參方行脚誰家事
隨興一念便乖張
莫向禪門探意旨
須知真正道人家
到處忘懷愍自他
爛沙浮漚盛滿鉢
閒來石上種蓮花

送聰禪人

出門步步清焱起
一棹鐵船三萬里
大魚剛被小魚吞
縮却龍頭展蛇尾
未到中原俱歷徧
浙山如黛江如練
臨風側耳聽鄉談
故國依然海西㟁

桂巖贈日本淨居月長老

月中桂子飄巖幽長成一樹三千秋秋風吹開枝上花
花所及處清香浮月公本是管公裔道譽之香塞天地
金粟如來夢幻身不須更受菩提記

海屋

普門道人索我歌未免平地生風波屋為海耶海為屋
海屋之義當如何百千瀛渤從此起起亦不離涓滴水
沃日滔天也大奇卷舒只在軒窓裏

送僧之廬山

簡寂觀中甜苦笋歸宗寺裏淡鹹虀廬山面目分明露
衲子身心特地迷秋到樹頭黃葉落夜深峰頂白猿啼
參禪若也求玄妙十萬流沙更在西

澄靈散聖山居偈如寶藏主求和

因僧問我西來意我話山居是幾年佛祖位中休著脚
凡愚社裏且隨肩三間屋子藏山塢萬樹松花照石泉
曠大劫來無改變阿難依舊世尊前

古木贈榮藏主

天地未分時槎牙第一枝閭浮雖有樹爭奈結根遲幾回經寒幾回熱柯似青銅葉如鐵挺立何愁動地風高標可怕連山雪梗楠杞梓總凡材莫不皆從尺寸裁不是千年萬年物轉頭便化為塵埃

送吾禪人

古藤橫瘦肩兩屢踏殘雪陽烏啼未休春山若為別朦朧睡眼何處開應向前途指明月

初祖

三周寒暑沉重溟遇著蕭家有髮僧對朕者誰云不識
為誰辛苦到金陵

五祖

母子師資也是閉分明此道播人間後來話柄憑誰舉
多種青松滿四山

六祖

多少黃梅會裏僧一時放過嶺南能至今大庾山頭石
歲歲春風長葛藤

馬祖

即心即佛口喃喃非佛非心轉不堪八十四人門戶別
何曾一箇是同參

寄高麗檜巖至無極長老

五冠山上看飛瀑下有寒潭萬丈深見說神龍降已久
金身入鉢大如鍼

金剛一萬二千峰遠近高低各不同若箇峰頭堪著我
他年縛屋隱其中

十二時頌

酉時紅日下西山草屋柴門及早關幾箇老烏松頂薄
清晨飛去夜方還

謝人送炭

晚來曉起滿爐紅潦倒無能一病翁因憶古人生意在
正當臘月有春風

送質禪人遊南岳

古路迢迢往復回白雲終日冷成堆半千尊者無尋處

石上幽花帶露開

送宜禪人之姑蘓

洞庭一望水漫漫去路遙隨眼界寬紅蓼白蘋秋正好
不知誰把釣魚竿

聞子規

啼來啼去一聲聲却笑離人不解聽何處故鄉歸未得
白雲空鎖亂山青

送人禮寶陀

萬種千般在一心寶座巖上覓觀音直饒見得分明了
依舊雲遮紫竹林

石屋禪師詩

余山林多暇臚睡之餘偶成偈語自娛紙墨少
便不欲記之雲衲禪人請書蓋欲知我山中趣
向于是靜思隨意走筆不覺盈帙故掩而歸之
復囑慎勿以此為歌詠之助當須參意則有激

焉

幽居自與世相分苔厚林深草木薰山色雨晴常得見
市聲朝暮罕曾聞煮茶瓦竈燒黃葉補衲巖臺剪白雲
人壽希逢年滿百利名何苦競紛紛

其二

溪淺泉清見石沙屋頭無角寄藤蘿夜深月下長猿嘯
苔厚巖前少客過庭竹欹斜春雪重嶺梅消瘦夜寒多
寥寥此道非今古徒把瓶來石上磨

其三

優游靜坐野僧家飲啄隨緣度歲華翠竹黃花閒意思
白雲流水淡生涯石頭莫認山中虎弓影休疑葢裏蛇
林下不知塵世事夕陽長見送歸鴉

其四

滿頭白髮瘦稜層日用生涯事事能木臼秋分春白朮
竹筐春半曬朱藤黃精就買山前客紫菜長需海外僧
誰道新年七十七開池尚欲種茭菱

其五

自入山來萬慮澄平懷一種任騰騰庭前樹色秋深減
檻外泉聲雨後增挑薺煮茶延野客買盆移菊送隣僧
錦衣玉食公卿子不及山僧有此情

其六

四十餘年獨隱居不知塵世幾榮枯夜爐助煖燒松葉
午鉢充飢摘野蔬坐石看雲閒意思朝陽補衲靜工夫
有人問我西來旨盡把家私說向渠

其七

茅屋青山綠水邊
往來年久自相便
數株紅白桃李樹
一片青黃菜麥田
竹榻夜移聽雨坐
紙窓晴啟看雲眠
人生無出清閒好
到得清閒豈偶然

其八

細把浮生物理推
輸贏難定一盤棋
僧居青嶂閒方好
人在紅塵老不知
風颶茶烟浮竹榻
水流花瓣落岩池
如何三萬六千日
不放身心靜片時

其九

法道寥寥不可模一菴深隱是良圖門前養竹高遮屋
石上分泉直到厨猿抱子來崖果熟鶴移巢去磽松枯
禪邊大有閒情緒收拾乾柴向地爐

其十

浮世光陰有幾何誰能挈挈又波波厨空旋去尋黃獨
衲破方思剪綠荷塵尾罷拈言語斷佛經忘看蠹魚多
可憐身在袈裟下趣境攀緣事事過

別南山經室

屋借雲邊兩載居晴原無事便攜鉏和香采得隣家菊
趁嫩挑來自種蔬秋殿寂時山磬歇夜窓虛處柏烟疎
明朝又向他山去何日重來讀梵書

閒居

道人緣慮盡觸目是心光何處碧桃謝滿溪流水香草
深蛇性悅日暖蝶心狂曾見樵翁說雲邊雪畫房

其二

巖臺舒野望依約見松門唐代高僧寺宋朝丞相墳溪

光晴瀉遠野色晚來昏山路歌聲絕樵歸烟火村

其三

結草便為菴年年用覆苦紙窓晴葉暗竹屋鮮花粘麥飯惟饒火藜羹不點鹽生涯隨分過誰管世人嫌

古風

月來照我門風來吹我襟勸君石上坐聽我山中吟玄
鬢化為雪朝光成夕陰萬事草頭露豈得長如今

其二

飫飽拂石睡睡足起閒行靄靄孟夏景新樹鳴黃鶯俯仰覩時物散誕暢吟情只此是真樂何用求虛名

絕句

有人問我何年住坐久纔方省得來門外碧桃親手種
春光二十度花開

其二

年老安居住養病身日高猶自未逢人怕寒起坐燒松火
一曲樵歌隔塢春

其三

玉堂銀燭笙歌夜金谷羅幃富貴家爭似道人茅屋裏
一天晴月曬梅花

其四

田地無塵長不掃柴門有客叩方開雪晴斜月侵簷冷
梅影一枝窓上來

其五

茅屋低低三兩間團團環繞盡青山竹窓不許閒雲宿

日未斜時便掩關

其六

離衆多年無坐具入山長久沒袈裟單單有箇鐵鎗子

留待人來煮瀑花

其七

深秋時節雨霏霏鮮葉層層印虎蹄一夜西風吹不住

曉來黃葉與階齊

其八

老來無事可干懷竹榻高眠日枕斜夢裏不知誰是我
覺來新月到梅花

寄友人

山舍無聊夜卧遲因君記得去年時豆花棚下曾分榻
月落松梢尚詠詩

石倉歷代詩選卷二百七十六